



UNIVERSITÄTS-
BIBLIOTHEK
PADERBORN

Universitätsbibliothek Paderborn

Monvmenta Paderbornensia

Ferdinand <II., Paderborn, Bischof>

Paderbornae, 1669

4. Pagvs.

urn:nbn:de:hbz:466:1-11425

Non postrema loci alicujus gloria censetur, Cæfarem Regémque hospitio excepisse, quām multa hac sola de causa monumenta posita?

4. PAGVS. Antiqua regionum agrorūmque in pagos divisio. De Numa Pompilio Dio. & Plutarchus tradiderunt. *Divisit totam regionem in partes, quas pagos nominavit.* Eodem modo Helvetia. Cæsar. lib. 1. Suevia. Idem lib. 4. Germania omnis Cluver. præcipue verò *Saxonia* in pagos distributa erat. Meibom. in comment. de pagis Saxon. Præter *Bocensem* complures in historia Francica, Imperatorum Regūmque Saxonicorum diplomatis, & antiquarum donationum literis pagi nominantur, plerique toti, nonnulli ex parte Ecclesiæ Paderbornensi donati. Nimirum *Aga*, *Almenga sive Almunga*, *Auga*, *Engere*, *Hessi*, *Hemmerveldun*, *Hertega*, *Hutagoe*, *Lacni*, *Lisna*, *Morunga*, *Nichterga*, *Paterga*, *Rittega*, *Sorehtfeld*, *Treveresga*, *Treini*, *Thietmelli*, *Tilichi*, *Ventzga*, *VEssiga*, *VVetiga*, *VWestphalon*. Significabatur itaque hoc nomine non vicus, sed major minorve amplioris regionis tractus, non paucos vicos villásque complectens; saepe magnæ provinciæ partem Saxones Germanique *gavv, borde* vocabant. Desijt hæc appellatio paullatim circa annum 1100; cum pagi in Ducatus, Principatus, diversi generis Comitatus migrarunt, ac hereditario jure possideri cœperunt. In his pagis Duces, Principes, Satrapæ, Comites jus dicebant. Cæsar. l. 6. Comm. *In pace nullus est communis magistratus, sed principes regionum atque pagorum inter suos jus dicunt, controversiasque minuunt.* Tacit. de morib. German. *Eliguntur principes, qui jura per pagos vicósque redunt.* Poëta Anonym.

*Sed varijs divisa modis plebs omnis habebat,
Quot pagos tot penè Duces.*

Rolevinc,

Rolevinc. Regem antiqui Saxones non habebant, sed per pagos Satrapas constitutos. à Caroli M. demum tempore Comitum nomen usurpari cœptum. Hinc Saxones & reliqui Germani quoties situm loci exprimere volebant, in quo pago, & pagus incujus comitatu esset, soliti describere. Exempli causa diplomata S. Henrici Imp. A. 1012. data memorant. Curtem Honstede in pago Rittiga, in Comitatu Bernardi. A. 1019. Abbatiam Scheldice sitam in pago VVessiga, & comitatu Friderici Comitis. Conradi Imperatoris. A. 1027. Curtem Ervire in pago Engere, in Comitatu Marquardi. A. 1030. pradium Padberg in pago Nithega, & Comitatu Haholdi. A. 1033. in loco Halmvvardeshusen, in Comitatu Bennonis Comitis, & pago Angera sito.

5. ANGARIOS VIDIT. Vita Caroli M. apud Pithœum. Inde revertente domno mitissimo Rege Carolo venerunt Angarij in pago Bocensi, una cum Brunone & reliquis optimatibus eorum, & dederunt ei obsides. Regino in Chron. Simul eo revertente venerunt Angarij in pagum qui dicitur Buchi una cum Brunone duce eorum, & fecerunt sicut Orientales Saxones fecerant. Annal. Franc. apud Reuber. An. 775. Inde reversus cum in pagum, qui Buchi vocatur, pervenisset, Angarij cum suis primoribus ei occurserunt, & sicut Ostfali, juxta quod Rex imperaverat, obsides & sacramenta dederunt. Imitati sunt hic Angarij majores suos Angrivarios, de quibus Tacit. lib. 2. An. Mox bellum in Angrivarios Stertinio mandat, ni deditiōnem properavissent, atque illi supplices nihil abnuendo veniam omnium accepere. Rectè utrique, cum hi Germanici Cæsaris, illi vero Caroli potentia impares se agnoscerent. Quamobrem etsi tot insignes inter Visurgim & Rhenum populi, Sicambri, Bructeri, Tencteri, Usipetes,

L 2

Dulgibini